

Өвс хадлгъиг сулдхлго кехмн

Приютна района 4-ч номер-тә совхоз өвс хадлгъна кӧдл-мшән сүл цагт сулдхдж йовна. Үлгүрнъ совхозд сәәнә тоод йовх 3-ч ферм авад хәләй. Эн ферм зурагъар 7 минъгън 420 гектар газрт өвс халх зӧвтә. Гектарар болхла тер зураода 58 процент кӱцәгдсн бәәнә, хаддж авсн өвсәр тоолхла зуг 24 процент болна, эс гидж хадгдсн 4 минъгън 300 гектар газрас 628 тонн өвсн авгдв.

Совхозин 1-ч номертә ферм болхла, өвс хадлгъна зурагъан зуг 9 процент кӱцәв. Эн фермд хурагдх өвсн ода бийнъ

кевтә. Иим бәәдл талдан фермсәр чигн бәәнә. Совхозин гардачнр, тӱрӱн болж фермин гардачнр тиим дуту-дундсиг уурулх бәәдл уга. Өвснә хадад кӧдлдж йовх кӧдлмшчнр суб-бот өдр ирчклә, 2 час өдрәс авн кӧдлмшән зогсачкад, хәрдж одихана. Иим дуту-дунд, самгъа йовдл бәәв чигн, фермин болн совхозин эклц партийн организац сән оньгтан авч, өвс хадлгъна кӧдлмшиг чанъгъадж йовхш. Өвс хадлгъна кӧдлмшән сулдхкмн биш, хәрнъ улм чанъгъах кергтә.

О. ОЧАЕВ.